
	JNUNPAZT-L JURNAL UNPAZ TIMOR-LESTE UNPAZ <i>Vo.02, Issue,12,pp,01-.....023</i>	
ORIJINAL ARTIKLU PESKIZA		HODI ASESU

PAPÉL POLÍCIA KOMUNITÁRIA TUIR DEKRETU LEI NU. 55/2022, 03

AGOSTU, LEI ORGÁNICA POLÍCIA NASIONAL TIMOR-LESTE.

¹Carmina de Jesus, ²Francisco Amaral da Silva, SH. MH. QIA, ³Joco Sarmento Capela, Lic. Dir.,

M. Dir. Universidade da Paz (UNPAZ), Fakultade Direitu, Programa Estudu Siensia Direitu.

INFORMASAUN ARTIKULU	ABSTRATU
	<p style="text-align: center;">Titulu Monografia, “Papél Polísia Komunitaria Tuir Dekretu Lei N⁰. 55/2022, 03 Agostu Lei Organika Polisia Nasional Timor-Leste”, Timor-Leste hanesan Estadu direitu Demokratika ne’ebe fó kompetensia ba Polísia Nasional Timor-Leste, ne’ebe define iha Konstituisaun Repúblika Demokratika Timor-Leste regula tuir artigu 147^o no. 1^o no 2^o ne’ebe mak hateten katak 1^o Polísia sei defende legalidade Demokrátiku no garante sidadaun sira nia seguransa internu, maibé sira la bele iha partidu polítiku. 2^o Prevensaun kriminal tenke hala’o ho respeitu ba direitus umanus. Tan ne’e polísia tenki iha obrigatóriu atu proteje seguransa isin no klamar, nesiedade sosiedade no meu ambiente kontra alterasaun orden nian ka dezastre inklui</p>

prestasaun assistensia defende direitu umanu. Relasiona ho ne'e polisia Komunitaria nia responsabilidade bazeia ba interese atu prevene abuzu autoridade nian, nomos atu proteje direitu no liberdade komunidad nian, atu nune'e polisa Komunitaria bele servisu tuir lei iha dispozisaun sira no supervizaun ba polisia Komunitaria nia atividade tuir ezistencia polisia Komunitaria transparensia no responsabilidade publika iha implementasaun governasaun diak, importante tebes atu hadia polisia Komunitaria no relasaun komunitaria iha kontestu hadia servisu polisia ne'ebe mak hanesan ajente seguransa hodi kria no mantein orden públika.

Tanba ne'e hosi Kapitulu I, eskritora foti péritu lubuk ida mak kolia kona-ba Teória Papel, Teória Polísiamentu, Teória Komunitariu no Teória Kompetensia. Tan ne'e husi teória-teória sira ne'ebe mak eskritora define kompletu iha Bibliografia. Hakerek nain uza metodologia impíriku.

Lia Fuan Save :

1. Papel Polisia Komunitaria
2. Tuir Decretu Lei Numero 55/2022

I. Introdusaun

1.1. Antecedente

Papél mak hanesan kna'ar ka funsaun nu'udar atividade grupu ne'ebe pretense ba tipu ne'ebe hanesan, implementasaun ka konsiderasaun sira seluk. Iha parte seluk mosfunsun ne'e hanesan relasaun besik malu ne'ebe sei hala'o husi funsionariu partikular ida ne'ebe idak-idak bazeia ba grupu atividade ne'ebe hanesan tuir sira nia natureza ka implementasaun.

Funsun mos hanesan kna'ar ou responsabilide moral husi idak-idak nia profisaun ne'ebe mak iha, tan ne'e membrus Polisia Nasional Timor-Leste mos iha obrigatoriu hodi bele separa saida mak direitu no dever, katak Polisia Nasional de Timor-Leste iha direitu limitada iha parte seluk Polisia mos iha nia dever atu Servir no Protejer ba ninia komunidadade sira hotu, maibe dalaruma iha parte seluk membru Polisia Nasional Timor-Leste baluk la kumpri dever ne'ebe mak iha, tamba polisia mak ofisial governu nian ne'ebe iha obrigasaun atu tulun no lansa atividade sira hodi regula no fornese protesaun ba komunidadade. Governu iha regulamentu sira no objetivu ida mak atu garante serteza juridika, kria no mantein orden públika no paz.Regulamentu polisia iha nia implementasaun presija kapasidade atu trata violasaun oin-oin ne'ebe iha relasaun ho orden polisia nian hanesan membru husi aparellu komunitariu.

Imajen polisia hanesan membru Polisia Nasional Timor-Leste la hetan influencia direktamente husi ninia pozisaun formal, maibe tamba atitude no asaun loron-loron husi ajente PNTL sira iha terenu ne'ebe sira hare, presepsaun no avaliasaun publiku PNTL nian ne'e reflesaun ida kona-ba servisu, protesaun no aplikasaun lei ne'ebe

Polísia Nasional Timor-Leste hala'o, membru sira iha motivasaun servisu nian ne'ebe optimal atu la bele komete violasaun, atu nune'e sira bele sai ezemplu ba comunidade, no fornese seguransa tamba comunidade simu protesaun husi polísia.

Motivasaun servisu ne'ebe bo'ot liu iha ema ida nia laran inklui ofisial polísia sira bele identifika liu husi atitude atu mai servisu iha tempu ruma, hala'o regulamentu sira ne'ebe aplika ona halo tuir prosedimentu servisu nian, obedese ba lideransa sira ka badinas atu halo servisu, hodi nune'e bele suporta Governu atu mantein seguransa públiku.

Polisia mos sai nu'udar instrumentu estadu nian ida katak funsaun nu'udar ema ne'ebe tau matan ba seguransa domestika no konfrontu, no sai nu'udar elementu ida husi ajente lei nian no hanesan setor protesaun, funsionariu no protetor comunidade nian no hatene liu tan kondisaun sosiedade duke instituisaun estadu sira seluk, atu nune'e bele mantein nafatin retensaun ba manutensaun legal ne'ebe signifika mos katak Polisia iha dever atu fo protesaun, no protetor ba comunidade sira hotu.

Bazeia ba autoridade ne'e, iha relasaun entre polísia no comunidade ne'ebe sai nu'udar materia rua nomos objetu ne'ebe la bele haketak malu, tamba ezistencia comunidade sira rasik, iha implementasaun polísia iha obtaklus oin-oin, hahu husi rekursu Umanu ne'ebe limitadu ba kompleksidade funsaun polisia nian.

Relasiona ho ne'e polisia nia responsabilidade bazeia ba interese atu prevene abuzu autoridade nian, nomos atu proteje direitu no liberdade comunidade nian, atu nune'e polisa bele servisu tuir lei iha dispozisaun sira no supervizaun ba polisia sira nia atividade tuir polisia nia ezistencia, transparensia no responsabilidade publika iha

implementasaun governasaun diak, importante tebes atu hadia polísia no relasaun komunitaria iha kontestu hadia servisu polisia nian.

Públiku hatene katak polísia mak hanesan instituisaun ida ne'ebe iha responsabilidade ba iha seguransa no implementa lei no orden juridika hanesan Polísia Nasional Timor-Leste iha poder jeral ne'ebe mak prioridade hodi implementa ba lei, liu-liu ba seguransa no estabilidade nasional.

Polísia iha mos funsaun hanesan administrasaun iha institusaun polísia nia laran no implementa lei, protesaun no prestasaun servisu polísiamentu nian. Iha ne'e funsaun polísia nian rekere membru hotu-hotu sempre iha comunidade nia le'et atu aseguira ba situasaun harmonia no kria seguransa interna iha comunidade, karakteristikas funsaun no responsabilidade polísia diferensia tebes ho organizasaun governu sira seluk.

Aspetu ida ne'e importante tebes, iha parte seluk polísia tenke hala'o servisu ho justu, transparensia, ho profesional. Membru polísia hala'o nia kna'ar atu servi no proteje, no wainhira hala'o servisu tenke respeita ba direitus umanus. Tanba Konstituisaun Repúblika Demokrátika de Timor-Leste regula tuir artigu 147º no. 1º no 2º ne'ebe mak hateten katak 1º Polísia sei defende legalidade Demokrátiku no garante sidadaun sira nia seguransa internu, maibé sira labele iha partidu polítiku. 2º Prevensaun kriminal tenke hala'o ho respeitu ba direitus umanus. Alén de ne'e polísia tenki iha obrigatóriu atu proteje seguransa isin no klamar, nesidade sociedade no meu ambiente kontra alterasaun ordem nian ka dezastre inklui prestasaun assistensia defende Direitu umanu.

Tuir mai membru polisia tenki defende direitu umanu durante hala' o servisu. Polisia Nasional Timor-Leste tenke prezente, hanesan ajente forsa seguransa ida, tenke adopta hotu ba iha sirkunstansia irreprensivel komportamentu siviku, atua ho forma integra no profisionalmente kompetente husi forma dezemvolve ho konfiansa no respeito ba comunidade no kontribui ba iha prestigiu Polisia Nasional Timor-Leste instituisaun demokratika.

Definisaun husi comunidade mak hanesan unidade ida husi ema sira ne'ebe mak sempre iha interaksaun ba malu. Relasaun akontese bainhira ema ida iha sosiedade nia asaun iha maneira ruma atu hala' o relasaun entre sosiedade ida ho individu sira seluk. Iha parte seluk mos iha buat balun ne'ebe mak importante tebes atu komprende mudansa sosial iha sosiedade pluralizmu mak forma individual ka grupu sira atu adapta ba baze ekonomiku oin-oin, relijiaun oin-oin, no kostume oi-oin ne'ebe mak la hanesan. Pluralidade sosiedade nian eziste iha trasmigrasaun ho ema indijena bazeia ba comunidade lokal nian mak atu lokalidade no sentimentu comunidade sira nian.

Termu comunidade ka "*Community*" dalabarak uza husi ema . Komunitade mak hola parte iha grupu ka sosiedade iha ambitu kiik liu, no sira nia ligasaun liliu iha teritoriu laran tomak. Sosiedade sira iha karakteristizada liuliu ho desigualdade ekonomika ne'ebe diferensia maka'as tebes.

Polisia Nasional Timor-Leste hanesan seguransa interna Nasaun nian, ne'ebe mak mantein seguransa no ordem publika, iha dever atu proteje, servi comunidade no kumpri lei. Lei regula dever sira no obligasaun polisia ho maneira global no integral ne'ebe deskreve iha leten.

Polísiamentu Komunitariu halo parte husi estratejia bo'ot husi Polísia Nasional de Timor-leste atu hetan rezultadu diak husi objetivu máximu no fundamental ha'at husi planu polísiamentu komunitariu ne'ebe diak liu. Valores ne'ebe temi iha Polísiamentu komunitariu ezensialmente implementa husi Polísia Nasional, bazeia ba konseitu sistema seguransa independente ida no hodi insentiva formasaun seguransa ne'ebe independente, liu husi programa dezemvolvimentu komunitariu, ne'ebe adapta ba kondisoens sosiedade Indonesia iha pasadu nomos futuru.

Polísia Nasional Timor Leste (PNTL) moris iha loron 27 de Marsu tinan 2000, hahu husi tempu UNTAET to'o UNMISSET, PNTL so uja regulamentu UNTAET N^o 22/2001, ne'ebe mai ho estrutura deviza lima (5) Ajente Rekruta/RA, Ajente, Senior Ajente, Sub Inspektor no Inspektor. Hahu kedan husi momentu ne'eba instituisaun Polísia Nasional Timor-Leste nia ejistensia ho naran ETPS- East Timor Police Service liu tiha muda fila fali ho naran TLPS- Timor-Leste Police Service naran PNTL-Polísia Nasional Timor-Leste hahu moris ho decreto Lei no. 08/2004, 05 de Maiu, iha artigu 15 (Unidade de Proteção de Comunitaria) hanesan lei Organika Polísia Nasional Timor-Leste ba dahuluk no tuir fali halo revizaun ba Lei Organika Polísia Nasional Timor-Leste no hamosu Decreto Lei no.09/2009 hanesan Lei Organika Polísia Nasional Timor-Leste daruak, lei Organika mosu hafoin krize 2006, ne'ebe mak fo impaktu maka'as tebes ba dezemvolvimentu Polísia Nasional Timor Leste.

Depoizde tinan 2022 mak halo alterasaun ba lei mak hodi hamosu tan decreto lei n^o. 55/2022 03 de Agostu, hanesan kona-ba Organika ba Polísia Nasional Timor-

Leste previstu iha artigu 60º dever kona-ba Departementu Polísiamentu Komunitaria nº. A. Asegura supervizaun ba implementasaun iha modelu transversa iha polísiamentu komunitariu , respeita ba prinsipiu igualdade la bele iha diskriminasaun. B. Supervizaun ejekusau ba ordem no instituisaun relativa jestaun no avaliasaun ba kualidade no modelu iha polísiamentu komunitariu. C. Supervizaun implementasaun ba programa iha dominu ba polísiamentu komunitariu. D. Garantia kolaborasaun permanente ho estrutura komunitariu nasional ho lokal.

1.2 Identifikasaun Problema.

Iha mos identifikasaun problema ba proposta ida ne'e mak hanesan tuir mai ne'e: Komunitade sira barak mak kestiona kona ba atendimentu polísia nian iha terrenu. Polísia hala'o servisu no la kumpre dever ne'ebe mak sira iha.

II. Formulasau Problema

1. Tanba sa Polísia komunitaria fo seguransa ba iha comunidade bazeia ba decreto lei N⁰ 55/2022?
2. Oinsa responsabilidade Polísia komunitaria bazeia ba lei N⁰ 55/2022?

III. Objektivu Peskiza

1. Objektivu Jeral.

- a) Atu buka hatene no komprende di'ak liu tan kona-ba dever polísiamentu komunitariu iha Intituisaun Polísia Nasional Timor-Leste.
- b) Atu analiza kriteriu no forma husi asaun polísiamentu komunitariu durante hala'o servisu iha terrenu.

2. Objektivu Espesifiku.

- a) Hakerek na'in bele hatene diak liu tan kona-ba papél Polísiamentu komunitariu nian.
- b) Hakerek na'in bele hatene diak liu tan kona-ba atendementu polísiamentu komunitaria nian iha Nasaun Timor-Leste.

IV. Ekuadramentu Teoria

2.1. Teória Papél

Tuir Péritu¹Nining Haslinda Zainal hateten katak, definisaun kona ba funsaun ne'ebe utiliza ba servisu ne'ebe hala'o tiha ona, entretantu tuir Konvensaun Kontra Violensia iha Zainal katak definisaun husi funsaun mak nu'udar atividade grupu ne'ebe pretense ba tipu ne'ebe hanesan, implementasaun ka konsiderasaun sira seluk. Tuir Sutarto iha Zadeál katak, funsaun ne'e hanesan relasaun besik malu ne'ebe sei hala'o husi funsionariu particular ida ne'ebe idak-idak bazeia ba grupu atividade ne'ebe hanesan tuir sira nia natureza ka implementasaun.

2.2. Teória Polisiamentu

Tuir péritu Satjipto Raharjo hateten katak²Polísia mak hanesan instrumentu protesaun estadu nian ne'ebe fo protesaun ba komunidadade, alende Satjipto Raharjo, katak se lei ne'e iha objetivu atu kria ordem iha sosiedade, ida mak atu kombatate krime. Ikus liu mak polísia ne'ebe sei determina loloos saida mak hanaran ordem atu implementa nia hateten mos katak tuir lei no.2 , tinan 2002, kona-ba Polísia Nasional Republika Indonezia nian, iha artigu11 (1) nia esplika kakat polísia mak kestaun hotu-hotu ne'ebe relasiona ho funsaun no instituisaun polísia nian sira tuir

¹Nining Haslinda Zainal *Analisis Tugas Pokok dan Fungsi dengan Kompetensi pada Sekretariat Pemerintah Kota Makasar.*

²Sajibto Rahardjo, 2009 *Penegakan hukum suatu tinjawan Sosiologis*, Yogyakarta: Genta Publishing, Hal.111.

regulamentu estatutu nian. Termu polísia iha lei ne'e iha aspetu rua, hanesan funsaun polísia nian no instituisaun polísia nian. Iha artigu 2, Lei nu. 20 tinan 2002, kona-ba Polísia nasional Indonesia nian, funsaun polísia nian mak hanesan funsaun governu nian iha area seguransa no orden públika, atu aplika lei, protetor, protetor ba nia funsionariu ba comunidade.

Iha ³Disionariu Indonesia W.J.S Poerwodarmita hateten katak: Termu Polísia signifika: Ajensia Govermental (Grupu Funsionariu Públiku ida) ne'ebe ho nia funsaun atu mantein seguransa no orden públika. Funsionariu públiku sira ne'ebe mantein no seguransa orden públika. Nune'e termu Polísia nian iha aspetu rua, knaar polísia no orgaun. Hosi komprensaun iha leten, bele konklui katak termu polísia nian iha oin haat ne'e mak hanesan:

1. Hanesan iha dever atu mantein ordem no seguransa.
2. Hanesan orgaun ka kontentor ne'ebe resposavel ba manutensaun seguransa no orden públika.
3. Hanesan ofisial ida iha sentidu servisu manutensaun ba obrigasaun públika no seguransa.
4. Siensia ne'ebe mak signifika kona-ba;

Termu "Polísia" iha nia istoria tomak ne'ebe mak la hanesan, mos termu ne'ebe nasaun ida-idak fo ba sentidu "Polísia" ne'e diferente, tamba iha nasaun ida-idak iha tendensia atu fo nia termu ka lian ne'ebe la hanesan ba nia kliente sira. Iha termu ne'ebe la hanesan mak hanesan ezemplu: termu "Tesouro" iha

³*Tugas Kepolisian Republik Indonesia dan Fungsinya*. Dalam [http:// www.Seputarpengetahuan.com](http://www.Seputarpengetahuan.com), diakses pada 25 Juni 2017.

Inglatera “Police” ne’ebe bele komprende ka iha liafuan rua primeiru designasaun ba sira ne’ebe ki’ik liu entre Polisia ,Tuir Kelana, Momo katak: iha Estadu Unidus Amerika termu “sherrif” ne’ebe atualmente uza husi estrutura sosial British. Nune’e iha termu seluk husi Jerman mos bele bolu “Polizei” iha lian Alemaña “Politie”

Tuir péritu ⁴Kelana, Momo katak: definisaun “Polisia” iha similiaridade barak iha nasaun barak, hanesan ezemplu ; “Polisia” maka manutensaun no orden públika no fo protesau ba ema no propriedade hosi situasaun oin-oin.

⁵Iha parte seluk iha mos ideia husi péritu Ratna Nurul Afiah mos hateten katak: Kna’ar Polisia nian mak atu alkansa no mantein orden, ida ne’e maka servisu polisia nian bele hala’o deit liu husi kumpri restrisaun balun, restrisaun ne’e ida mak lei ne’ebe koloka ba.

2.3.Teória Komunitariu.

Tuir THORETICAL FOUNDATION ⁶Beni Ahmad Saebani deklara katak, sosiedade ne’e grupu ida ne’ebe organizadu husi individu sira ne’ebe tuir dalan moris nian. ⁷Kontjaraningrat hateten katak sosiedade ne’e grupu bo’ot liu husi ema sira ne’ebe iha lisan, hahalok no sentimentu unidade nian. S.R. Steinmetz, fornese limitasaun ida kona ba sosiedade hanesan grupu umanu bo’ot liu, inklui grupu umanu ki’ik liu ne’ebe iha relasaun besik no regula.

⁴Kelana, Momo 1994. *Kukum Kepolisian*. Jakarta:Grasindo.

⁵Ratna Nurul Afiah, 1986, *Praperadilan dan Ruang Lingkupnya*, Jakarta: Akademika Pressindo, Hal 35-36

⁶Beni Ahmad Saebani. *Pengantar Antropologi*(Bandung:CV Pustaka Setia, 2012) 137.

⁷Kontjaraningrat.*Pengantar ilmu Antropologi*(Jakarta: Rineka Cipta,2013) 122.

Opiniaun husi Maclver ne'ebe hateten katak sosiedade ne'e hanesan sistema ida kona-ba maneira servisu prosedimentu, autoridade no asistencia mutual ne'ebe inklui grupu no divizaun social sira seluk, sistema kontrolu ba hahalok liberdade ema nian, sistema kompleksu no vulneravel, ka rede social sira seluk. Tamba ne'e sosiedade mosu husi ezistencia koleasaun ema sira ne'ebe hela hamutuk no servisu hamutuk ba tempu naruk. Iha periodu naruk ida ne'e, grupu umanu sira ne'ebe la organiza no la iha esperiensa ba prosesu fundamental mak hanesan:

- a) Adaptasaun no formasaun ba nia membru sira iha parte organizasaun nian.
- b) Ida ne'e mosu ho neneik, sente grupu ka la sente grupu. Prosesu ne'e bain-bain funsiona ho sinseiru no tuir fali membru grupu sira hotu iha ambiente julgamentu no eru nian. Atu la bele konfudu uza termu, grupu iha ne'e mak asosiasaun sosial hotu-hotu ne'ebe estabese relasaun sosial entre ema seluk. Grupus ne'e seidaun organiza ho konxiente.

⁸Tuir péritu Antonius Atosokhi Gea, hateten katak:Komunidade mak ema lubun, klase, grupu primariu no sekundariu no organizasaun. Termu komunidade mai husi Arabia, hanesan *syrakas*signifika sosiedade. Enkuantu hosi lian ingles mos sosiedade ne'ebe signifika *society* inklui interaksaun sosial, mudansa sosial no sentidu hamutuk. Iha literatura seluk, sosiedade mos hanaran *system social.Masyarakat juga berarti bahwa* unidade moris umana ne'ebe halo interaksaun tuir sistema adat ka kultura nian balun ne'ebe sei kontinua hela, ne'ebe kesi ho sentidu identidade hanesan.

⁸ Antonius Atosokhi Gea, dkk.(2003). *Relaksi dengan sesama*. Jakarta:Alex Media Komputindo.

Atu komprende diak liu tan kona-ba informasaun sosiedade nian, sei explika tan husi peritu balun :

- a) Karl Max hateten katak, Sosiedade mak: estrutura ida ne'ebe experiensia tensaun organizasaun ka dezemvolvimentu tanba konfliktu entre grupu sira ne'ebe hetan fragmentadu ekonomikamente.
- b) Max Weber, hateten katak sosiedade mak: estrurura ka asaun ida ne'ebe prinsipalmente determinadu hosi espetativa no valor sira ne'ebe dominante hosi sidadaun sira.
- c) ⁹Selo Soemardjan hateten katak sosiedade mak; ema sira ne'ebe moris hamutuk no produs kultura. Formasaun grupu sosial ka komunidadade sira tamba ema umanu uza sira nia hanoin, sentimentu no hakarak atu halo reasaun ba sira nia ambiente. Ema ida iha nia instika sempre mosu ba mal. Relasaun ida ne'e kontinua no kontinua produz modelu asosiasaun ida hanaran modelu intersaun social.

2.4. Téoria Kompetensia.

Tuir péritu ¹⁰Wibowo define katak kompetensia ne'e atu hala'o servisu ka kna'ar ida ne'ebe bazeia ba kompetensia ka koñesimentu no apoiu husi attitude servisu ne'ebe mak ezije. Nune'e kompetensia ka koñesimentu ne'ebe karakteriza husi profesionalismu iha terenu ida ne'ebe importante liu, nu'udar buat ne'ebe a'as liu iha area partikular ida, ho indikator sira mak:

⁹Soemardjan, Selo & Soelaeman, S. (1964). *Setangkai Bunga Sosiologi*. Jakarta:Lembaga FE-UI.

¹⁰Wibowo.*Managemen Kinerja. Edisi ketiga*.Jakarta P.T Rara Grafindo Prasada.

a. Koñesimentu relasiona ho servisu inklui:

1. Hatene ka komprende sira nia responsabilidade ida-idak.
2. Hatene ka koñesimentu ne'ebe relasiona ho regulamentu, prosedimentu, téknika foun iha instituisaun governu sira.

b. Abilidade individual inklui;

1. Abilidade atu komunika ho diak iha eskrita.
2. Abilidade atu komunika klaramente orallyc. Iha abilidade atu komunika ho kriativu iha servisu.

Entretantu tuir péritu Veithzal deklara katak; Kompetensia ba hanesan abilidade ka kapasidade, liafuan baziku mak komtetente, ne'ebe bele iha kapasidade no matenek. Kompetensia refere ba atributu/karakteristika ema ida ne'ebe mak halo nia hetan susesu iha fatin servisu.

¹¹Tuir péritu Ma'ruf Abdullah hateten katak: Kompetensia mak hanesan kna'ar ida ne'ebe bazeia ba koñesimentu, abilidade no hetan apoiu husi attitude servisu ne'ebe ezije hosi servisu nian. Tanba ne'e, kompetensia iha substansia: Koñesimentu, abilidade no attitude profesional.

Tuir péritu ¹²Djaman Satori mensiona kompetensia mai husi lian Inglesh *Competency* signifika; kapasidade, abilidade no autoridade. Tamba ne'e kompetensia hanesan desepeñu ida ne'ebe lori ita atu alkansa objetivu sira ne'e ho kompletu tuir kondisaun ne'ebe ita hakarak.

¹¹ Ma'ruf Abdullah, *Manajemen Bisnis Syariah* (Yogyakarta: Aswaja Pressindo, 2014), 168.

¹² Djaman Satori 2007. *Profesi Keguruan*. Jakarta; Universitas terbuka.

2.5. Konseitu Polísia.

Polisia mos sai nu'udar instrumentu estadu nian ida katak funsaun nu'udar ema ne'ebe tau matan ba seguransa domestika no konfrontu, no sai nu'udar elementu ida husi ajente lei nian no hanesan setor protesau, funsionariu no protetor komidade nian no hatene liu tan kondisaun sosiedade duke instituisaun estadu sira seluk, atu nune'e bele mantein nafatin retensaun ba manutensaun legal ne'ebe signifika mos katak Polísia iha dever atu fo protesau, no protetor ba komidade sira hotu.

¹³Tuir péritu Warsito Hadi Utomo, hateten katak: Polísia mak hanesan Organizaun ida ne'ebe iha funsaun bo'ot tebes tanba sira mak sai hanesan autoridade seguransa ida ne'ebe ho nia poder tomak hodi bele fo seguransa ba ninia autoridade sira.

Polísia nia responsabilidade bazeia ba interese atu prevene abuzu autoridade nian, nomos atu proteje direitu no liberdade komidade nian, atu nune'e polísia bele servisu tuir lei iha dispozisaun sira no supervizaun ba polísia nia atividade atu bele ezistencia, transparensia no responsabilidade publika iha implementasaun governasaun diak, importante tebes atu hadia polísia no relasaun komunitaria iha kontestu servisu polísia nian.

Ita hotu hatene diak liu tan katak polísia mak hanesan instituisaun ida ne'ebe iha responsabilidade ba iha seguransa no implementa lei no ordem juridika.

¹³ Warsito Hadi Utomo, *Hukum Kepolisian di Indonesia*, Prestasi Pustaka, Jakarta, 2005, hlm 5.

2.6. Konseitu Komunitariu.

¹⁴Komunidade mak hanesan unidade ida husi ema ema sira ne'ebe mak sempre iha interaksaun ba malu. Relasaun akontese bainhira ema ida iha sosiedade nia asaun iha maneira ruma atu hala'o relasaun entre sosiedade ida ho individu sira seluk. Iha parte seluk mos iha buat balun ne'ebe mak importante tebes atu komprende mudansa sosial iha sosiedade pluralizmu mak forma individual ka grupu sira atu adapta ba baze ekonomiku oin-oin, relijiaun oin-oin, no kostume oi-oin ne'ebe mak la hanesan. Pluralidade sosiedade nian eziste iha trasmigrasaun ho ema indijena Baze sira komunidade lokal nian mak atu lokalidade no sentimentu komunidade sira nian.

2.7. Prinsipiu Legalidade.

Konstituisaun Repúblika Demokrátika de Timor-Leste regula tuir artigu 147^o no. 1^o no 2^o ne'ebe mak hateten katak 1^o Polísia sei defende legalidade Demokrátiku no garante sidadaun sira nia seguransa internu, maibé sira labele iha partidu polítiku. 2^o Prevensaun kriminal tenke hala'o ho respeitu ba direitus umanus. Além de ne'e polísia tenki iha obrigatóriu atu proteje seguransa isin no klamar, nesesidade sosiedade no meu ambiente kontra alterasaun ordem nian ka dezastre inklui prestasaun assistensia defende Direitu umanu.

¹⁴Lupy Dwi Septa Satria, 2014 *Pemimpin Pelopor Sebagai Faktor Penggerak Partisipasi Masyarakat dalam Program Bank Sampah di Rw. 14 Kelurahan Tamansari Kecamatan Bandung Wetan Kota Bandung Universitas Pendidikan Indonesia*[repository. Upi.edu/ Perpustakaan. Upi.edu.

V. Metodologia Peskiza

1.8.1. Tipu Peskiza

¹⁵Tipu peskiza maka hanesan meiu ida atu akumulá ka kolekta dadus konkretus sira ne'ebé maka iha relasaun entre umanu no sosiedade iha moris loron-loron. Iha Tipu Peskiza oin-oin, maibé iha Proposta ida ne'e peskizador eskolla tipu peskiza empiriku no Deskritivu hodi akumulá dadus no bele fo solusaun ba problema sira ne'ebé mak peskizador formulariza.

Iha tipu peskiza Impiriku, hare'e ba norma atuál sira, esencialmente ba norma ka regulamentu sira ne'ebé maka aplika iha Instituisaun Polísia Nasionál Timor-Leste foka liu-liu kona-ba Prosedimentu Departementu polísiamentu Komunitaria. Tipu peskiza deskritivu maka hanesan peskizador deskreve dadus sira hotu ne'ebé kollektá ona konsulta ho livrus sira no informasaun sira seluk ne'ebé mak iha relevante peskizador nia tipu no formulasaun problemátiku.

Sistema informativu ne'ebé peskizadór utiliza ne'e hanesan métodu ida ne'ebé tenta atu esplika kona-ba objetu peskiza hodi deskreve faktu sistemátiku, no karakterístika konaba implememta regra prosedimentu iha Instituisaun hodi bele foti medida ne'ebé adekuaduba ajente Polísia sira. Tipu abordajen informasaun sira ne'e lases mós husi tipu Peskiza deskritiva mak hanesan tuir mai ne'e: Peskiza Deskritiva ne'ebé uza kestionáriu no entrevista, ba rekolla dadus iha terenu hodi halo análiza ba interpretasaun situasaun atuál iha terenu to'o halo konkluziun.

¹⁵Nazar Bakry, *Tuntutan Praktis Metodologi Penelitian*,(Jakarta Pusat: Pedoman Ilmu. Jaya.1995 H.3)

1.8.2. Natureza Peskiza

Natureza peskiza ida ne'ebe importante tebes atu bele rekolla dados sira korretu no importante atu bele submete iha peskiza tuir mai, no tipu peskiza ne'ebe mak peskizadór uza atu bele hetan dados sira ne'ebé relevante. ¹⁶Tuir péritu Peter Mahamud Marzuki. Tanba iha tipu Abordagem jurídiku maka hanesan tuir mai ne'e, Tipu abordagem Konseptual, abordagem istóriku, abordagem komparativa, abordagem kazu no abordagem estatuta. Maibé peskiza utiliza de'it tipu abordagen mak hanesan tuir mai ne'e: abordagem kazu, abordagem estatuta no abordagem konseptual.

1.8.3. Tipu Dados no Fontes Dados

1.8.3.1. Dados Materia Primaria

Dados materia primaria maka fontes lejislasaun sira hanesan Konstituisaun Repúblika, Lei sira, Dekretu-Lei sira, Regulamentu sira, kostume ne'ebé lakontra lei no konstituisaun nune'e mós problema ne'ebé akontese dalaruma hetan kestiona husi comunidade balun ou hetan kestiona husi parte organizasaun ruma.

1.8.3.2. Dados Materia Sekundaria

Dados materia sekundaria maka data ne'ebé hetan husi literatura hanesan livru sira, joranaís, intrnet, jornada, no fontes seluk tan ne'ebé konsidera relevante ho tarjetu peskiza, tanba wainhira atu kria regulamentu ruma ne'e tenke bazeia ba lei, regulamentu ne'ebé kria latuir lei ka kontra lei ne'e inválidu.

¹⁶ Peter Mahmud Marzuki, *Penelitian Hukum*, Jakarta :Kencana Prenada Media Group.

1.8.4 Fatin Peskiza

Iha proposta ida ne'e peskizadora sei halo peskiza iha Quarte Geral da PNTL, Departementu polísiamentu Komunitaria hodi hetan dadus ne'ebe mak relevante ho topikulu ne'ebe mak hakerek nain mensiona iha leten, hodi bele kompleta liu tan proposta ida ne'e, nomos atu bele hatene klean liu tan kona ba dadus ne'ebe mak hakerek nain presija hodi bele kompleta kriteriu ne'ebe mak iha.

1.8.5. Teknika Halibur Dadus

Iha peskiza ida ne'e, peskizador uza métodu entrevista, ne'ebé nudar prosesu ida husi hatan no resposta, Análiza matéria Dirietu ne'ebé mak resolve kona ba comunidade nian ne'ebé prekizador rekolla, tuir L. Aires kona ba dadus sira ne'ebé mak relasiona ho regulamentu ka kodifikasaaun sira (AIRES, iha sentidu ne'e tékniku rekolla dadus halo análise dokumental ne'ebé mak formula legál.

Bazeia textu iha leten maka peskizador sei uza maneira/teknika kolekta/halibur dadus/data hanesan tuir mai: sei uza maneira tolu mak hanesan: a). Halo obeservasaun. b) Entrevista no c) Dokumentasaun.

- 1) Halo observaun ba aspetu ida ne'e peskizadór direita halo interaksaun ho objetu ne'ebé koalia kona-ba prosta peskiza ida ne'e, hodi peskiza ho maneira observa direita objetu refere iha instituisaun ne'ebé temi ona iha leten.
- 2) Entrevista, halao ho maneira entrevista ho ema/parte ruma iha instituisaun Polisia Nasional Timor-Leste nian relasiona Departementu Polísiamentu Komunitaria.
- 3) Dokumentasaun, kolekta/halibur dadus ne'ebé fornese direita husi Departementu Polísiamentu Komunitaria. Iha peskiza kualitativu ne'ebé sai

nudar instrumentu ba peskiza mak peskiza ne'e rasik. Atu kolekta dados, avalia qualidade dados, análise dados/interpreta data no halo konkluzan ba buat hotu ikus mai iha validade rezultadu peskiza bele depende ba qualidade instrument kolekta dados nian.

Iha tipu instrumentu hirak ne'ebé uza hodi halo peskiza maka:

- 1) Métopu Observasaun: halo observasaun direita ba funsionáriu sira formulariza valores ne'ebé konsideira vale/aplika iha Polisia nasional Timor-Leste nian.
- 2) Métopu entrevista: mekanizmu ka esforsu ne'ebé hakerek na'in tenta hodi hasoru malu direita, hanesan husu perguntas sira ne'ebé preparadu tiha ona nune'e bele hetan respostas ne'ebé relevante ho asuntu peskiza ba responden (ema ne'ebé hatan ba pergunta).
- 3) Dokumentasaun: maka notas kona-ba akontesimentu ho forma eskrita direita ka arkivu sira, no fotografia atividade momentuhala'o peskiza.

1.8.6.Téknika Analiza Dados

Tekniku analiza dados ne'ebe mak utiliza iha peskiza ida ne'e bazeia ba rezultadu peskiza iha terrenu no bazeia mos ba dados husi bibliografia ne'ebe forma ho sistematika, no mos analiza fila fali ho metodu kualitativu no toma atensaun ba faktus sira ne'ebe mak iha hodi analiza bazeia ba dados ne'ebe rekolla mos husi bibliografia ho ida ne'e bele iha rezumu no solusaun ba problema ne'ebe mak formulariza ona. Tuir peritu Syamsudin analiza deskriptivu hanesan atividade prosesu analiza rezultadu dados no interpreta faktus hotu ho sistematiku atu nune'e bele fasil atu kompriende no analiza.

Tékniku ou mekanizmu hodi Analiza ba kazu refere depois de peskizadór halibur dados, tanba halibur dados no Analiza ne'e parte ne'ebé importante tebes atu bele hare direktamente hodi halo analiza ne'ebé kle'an liutan iha rezultadu sira ne'e hotu. Depois de hakerek na'in rekolla dados no presiza tan etapa ida ne'ebé importante hodi halo Analiza para bele hetan argumentasaun ne'ebé ikus ba resposta ba problema sira ne'ebé iha. No sistema Analiza dados mak hanesan tuir mai ne'e:

- a. Tékniku Analiza Deskrisaun
- b. Analiza Komparasaun
- c. Analiza Argumentasaun problema

Metodolojia Peskiza meu ka dalan ida ne'ebé maka sistematizadu atu atinji objetivu ida, bele dezenvolve estudo ida ho sientífiku no akadémiku hodi hakle'an koñesimentu. “Iha Parte ida ne'e halo peskiza iha objetivu proposta ne'e foka liu regulamentu especialidade iha Área Instituisaun Polísia

KAPITULU III

TAMBA SA POLISIA KOMUNITARIA FO SEGURANSA BA IHA KOMUNIDADE BAZEIA BA DECRETU LEI NUMERU 55/2022

3.1. Polísiamentu Komunitaria nia kna'ar.

¹⁷Tuir dekretu lei N^o. 55/2022, 03 Agostu, artigu 60^o dever kona-ba Departementu Polísiamentu Komunitaria n^o. A. Asegura supervizaun ba implementasaun iha modelu transversa iha polísiamentu komunitariu, respeita ba prinsipu igualdade la bele iha diskriminasaun. B. Supervizaun ejekusau ba ordem no instituisaun relativa jestaun no avaliaun ba kualidade no modelu iha polísiamentu komunitariu. C. Supervizaun inplementasaun ba programa iha dominu ba polísiamentu komunitariu. D. Garantia kolaborasaun permanente ho estrutura komunitariu nasional ho lokal. membru polisia hala'o nia kna'ar tenki servi no proteje ba sociedade, husi loron ba loron no bele sai inimigu ba comunidade.

Tanba Konstituisaun Repúblika Demokrátika de Timor-Leste regula tuir artigu 147^o no. 1^o no 2^o hateten katak Polisia sei defende legalidade Demokrátiku no garante sidadaun sira nia seguransa internu, maibé sira labele iha partidu polítiku. Tuir mai Prevensaun kriminal tenke hala'o ho respeitu ba direitus umanus. Polisia nasional de Timor-Leste hanesan seguransa interna Nasaun nian, ne'ebe mak mantein seguransa no ordem publika, iha dever atu proteje, servi comunidade no kumpri Lei. katak dever profesionalizmu konsiste dedikasaun total ba servisu husi parte membru polisia nasional Timor-Leste no iha koñesimentu ba lei, regulamentu, ordem no instrusaun relativa ba servisu, ho ida ne'e, hanesan komitmentu atu dezemvolve kualidade

¹⁷Hakerek nain halo entrevista ho Oficial Polisia Suku (OPS) Suku Comoro, Sr. Carmerico Ribeir, iha loron Sexta-feira, dia 01 de Setembro 2023, Tuku 09:38 to'o Tuku 10:40 Oit.

pessoal, aptidaun ba tekniku profisional no métodu sira ba servisu nesésario ba dezempeñu efisiente no kompetente ba nia funsaun. Além de ne'e polisia tenki iha obrigatóriu atu proteje seguransa isin no klamar, nesiedade sosiedade no meu ambiente kontra alterasaun ordem nian ka dezastre inklui prestasaun assistensia defende direitu umanu.

a. Baze legal

Tuir dekretu lei n.º 55/2022 03 de Agostu, hanesan kona-ba Organika ba Polisia Nasional Timor-Leste previstu iha artigu 60º dever kona-ba Departementu Polísiamentu Komunitaria n.º. A. Asegura supervizaun ba implementasaun iha modelu transversa iha polísiamentu komunitariu , respeita ba prinsipiu igualdade la bele iha diskriminasaun. B. Supervizaun ejekusau ba ordem no instituisaun relativa jestaun no avaliasaun ba qualidade no modelu iha polísiamentu komunitariu. C. Supervizaun inplementasaun ba programa iha dominu ba polísiamentu komunitariu. D. Garantia kolaborasaun permanente ho estrutura komunitariu nasional ho lokal.

b. Funsauun

Funsauun Departementu Polísiamentu komunitária maka atu fo edukasaun no hana'e koñesimentu tantu ba polisia no comunidade nia le'et. Fornese ko'ordenasauun no servisu hamutuk ho seksauun internu PNTL nian, Departementu sira Governu nian, ajénsia internacional sira, ONG sira no Igreja iha RDTL laran hodi garante aproximasaun multilateráida ba prevensaun krime.

3.1.1. Deveres Espezifikus

Dekretu lei Nu. 44/2020, lora 7 fulan Outubru,Regulamentu Disiplina Polisia. Hateten iha artigu 8 (Deveres Gerais) halo parte deveres disiplinares espezifikus membrus Polisia Nasional Timor-Leste nian:

- a) Dever obediensia;
- b) Dever lealdade;
- c) Dever profesionalismu;
- d) Dever imparcialidade;
- e) Dever korresaun
- f) Dever disponibilidade;
- g) Dever sigilo;
- h) Dever aprumo.

3.1.2. Dever Obediensia

1. Dever obediensia mak tenki kumpre no hala'o keda orden no determinasaun sira ne'ebe hato'o husi superiores hierarkikus kona-ba servisu no ho forma legal.
2. Bainhira kumpre dever obediensia, membru Polisia Nasional Timor-Leste tenki:
 - a. kumpre ho rigor ordens no instrusaun sira husi sira nia superiores hierarkikus kona-ba servisu,
 - b. Kumpre leis, regulamentus no atos administrativus, liu-liu norma organizasaun no prosedimentu no diretivas ne'ebe relasina ho servisu;

- c. Simu prontamente determinasaun sira ne'ebe ható husi membrus Polisia Nasional Timor-Leste ne'ebe hala'o funsaun polisiamentu, fisklizasaun, investigasaun, seguransa ba ema, bens ga instalsaun ga kualker atividade ne'ebe relasiona ho Polisia Nasional Timor-Leste nia knaar, misaun ne'ebe ható ba sira ga instrusaun ne'ebe sira simu.
 - d. Entrega arma ka armas sira ne'ebe iha nia, bainhira tamba forsa lei ga regulamentu, lejitimamente ható husi superiores hierárkikus;
 - e. Apresenta a'an iha atus prosesuais iha âmbito prosedimentu disciplinar ne'ebe notifika ona, só deit bainhira falta ne'e justifika tuir termus lei nian;
 - f. Kumpre medidas preventivas no sansaun disciplinar sira ne'ebe aplika, tuir termus iha Regulamentu ida ne'e;
 - g. Simu uniforme, ekipamentu, armamentu no alojamentu ne'ebe ható tuir termus iha regulamentu, ba kazus ne'ebe la iha justifikasaun, alimentasaun ne'ebe fornese, nune mos kualker vensimentu, subsidiu ho abonos sira seluk.
3. Dever obdiénsia hapara bainhira kumprimentu orden no determinasaun husi superiores hierárkikus hamusu prátika krimi.

3.1.3. Dever Lealdade

1. Dever lealdade mak rigoroju respeitu ba liña hierárkika no hala'oknaar liuhusi subordinasaun ba objetivus servisu nian no haktuir públiku nia interese.
2. Bainhira kumpre dever lealdade, membru Polisia Nasional Timor-Leste tenki:
 - a. Informa ho lia los ba sira nia superiores hierárkikus kualker asuntu kona-ba servisu;
 - b. Ható kedas ba sira nia superiores hierárkikus faktus ne'ebe iha koñesimentu no bele tau risku ba seguransa no orden públika, seguransa ema nian, sira nia bens, normal funsionamentu ba instituisaun demokrátika sira, no interese sira seluk ne'ebe lei proteje;
 - c. Ható kedas ba sira nia superiores hierárkikus, bainhira prosedimentu disiplinár sira iha âmbito disiplinár laos nia kompeténsia, kualker atu ne'ebe membru Polisia Nasional Timor-Leste prátika hasoru dispozisaun iha lei, liu-liu sira ne'ebe konstitui violasaun ba dever disiplinár ne'ebe ható iha regulamentu ida ne'e.
 - d. Apresenta partisipasaun, petisaun, reklamasan, rekursu ka kualker rekerimentu sempre liuhusi superior hierárkiku imediatu, la hare ba entidade ne'ebe dirije, so deit bainhira iha rekuza atu simu ga atu enkamiña ba nia fatin destinadu.

3.1.4. Dever Ba Profesionalismu

1. Dever ba profesionalismu mak dedikasaun total ba servisu hosi parte membru Polisia Nasional Timor-Leste no mos iha koñesimentu ba leis, regulamentus, orden no instrusaun sira ne'ebe iha relasaun ho servisu, hanesan mos hodi dezenvolve kualidade profisionál, kapasidade tekniku profisionál no metodu ne'ebe presiza hodi hala'o servisu no kna'ar ho efisiénsia no kompeténsia.
2. Dever ba profesionalismu hatutan mos ho orientasaun konsiente no efikás, husi komandante, director ga xefe membrus Polisia Nasional Timor-Leste nian ne'ebe sira subordina ba, hodi enkoraja sira atu kumpre sira nia misaun.
3. Ba efeito hosi dispostu iha No. 1, membru Polisia Nasional Timor-Leste tenki:
 - a) Enfrenta ho korajen riskus sira ne'ebe mosu bainhira hala'o misaun ne'ebe determina ba sira;
 - b) Uza persuasaun nudar regra atusaun, só uza forsa ga kualker meius ne'ebe bele afeta direitus, liberdades no garantias emania nian, bainhira laiha ona meius sira seluk hodi hetan rezolusaun pasífika ba konfilitus, no só deit ba kazus sira ne'ebe ezpresamente prevé iha lei;
 - c) Permanese iha lokal ga postu servisu, mantein vijilante no dilijente, hodi kontribui ba seguransa no orden públika, seguransa

- ba ema, sira nia bens, funksionamentu normal ba instituisaun demokrátika sira, no interese sira seluk ne'ebe lei proteje;
- d) Bainhira hala'o knaar utiliza deit kilat ne'ebe fahe ona tuir termus ne'ebe lei prevé, no proibidu atu uza bainhira la tuir sirkunstánsia sira ne'e;
 - e) Buka hatau ka hapara, liuhusi meius lejitimus ne'ebe iha, prátika ba kualker krimi no kontra-ordenasau;
 - f) Buka detein autor krimi, iha kazu flagante delito no bainhira lei permite;
 - g) Tau matan ba akontesimentu sira ne'ebe iha nia kompeténsia, maske la hala'o hela knaar, hodi ható ba entidade kompetente tuir termu ne'ebe lei ejije;
 - h) Tenki prontu no disponivel hodi ajuda iha situaun katástrofe ga kalamidade públika, tau esforsu tomak hodi salva vitimas no hamenus estragus, no informa ba nia superior hierárkiku;
 - i) Labele interfere iha membru Polisia Nasional Timor-Leste sira seluk nia servisu ka iha autoridade sira seluk nian, maibe fó ajuda bainhira sira husu;
 - j) Ható kedas no ho lia los, por eskritu ba superior hierárkiku kualker faktu kriminal, kontraordenasional ga disiplinir ne'ebe iha koñesimentu, maske la hala'o hela funsau;

- k) Prosesu kedas, tuir prazu legal, partisipasaun, auto notísia, reklamasau, rekursu ga kualker rekerimentu ka auto prosesuál ne'ebe nia simu ka sira ne'ebe nia ezelesaun determina ba nia;
- l) Ba deit tempu ne'ebe lei permite, labele prende hela objetus ga valores ne'ebe la pertense ba nia;
- m) Labele halakon, estraga, destroi ka ho forma ne'ebe deit, hases kilat husi dalan legal, ekipamentu servisu nian, objetus, valores ne'ebe pertense ba servisu públiku ga ba ema seluk, ida ne'ebe nia simu ga iha hela nia responsabilidade;
- n) Bainhira lei la autoriza, labele uza ga autoriza ema seluk atu uza instalasaun, armamentu, viatura, ga material sira seluk ba buat ne'ebe la iha ligasaun ho servisu;
- o) Tenki mantein atualizasaun koñesimentu ba normas legais no regulamentus, nune mos adapta evolusaun doutrina no teknolojia ne'ebe relevante ho knaar;
- p) Identifika a'an kedas liuhusikartaun identifikasaun profisionál no deklarasaun postu, naran ho komandu, unidade, servisu ka fatin ne'ebe hala'o servisu, bainhira husu ga bainhira sirkunstansia servisu ejije, hodi sertifika takak membru Polisia Nasional Timor-Leste maske uza farda;
- q) Ható informasaun ne'ebe ema husu, tuir termus iha lei, só labele fó sai bainhira lei, orden ka instrusaun husi superiores la permite;

- r) Labele halo, bainhira laiha autorizasaun superior, deklarasaun públika ne'ebe koalia kona-ba asuntu relasiona ho Polisia Nasional Timor-Leste, liu-liu kona-ba asuntu servisu nian;
 - s) Labele utiliza meius komunikasaun sosiál ka meius difuzaun seluk hodi trata asuntu servisu nian ga hodi fó kualker apresiasaun kona-ba servisu ne'ebe iha nia responsabilidade, só deit bainhira iha autorizasaun previa;
 - t) Informa ba superior hierárkiku molok atu hala'o kualker atividade ne'ebe la pertense ba servisu, liu-liu atividade ho natureza komersiál, industrial ka asosiativa, ho atividade sira ne'ebe ho natureza atu hetan lukru;
 - u) Tenki hamos no konserva sasan fardamentu, armamentu, viaturas no ekipamentus ne'ebe simu ka iha nia kargu;
 - v) Tau matan ba animal sira ne'ebe atribui hodi hala'o funsaun polisiál;
 - w) Labele integra, participa ga kolabora ho asosiasaun kriminoza ga grupus organizadus ne'ebe dedika ba artes marciais no rituais;
4. Ba efeitos hosi dispostu iha No. 2, membru PNTL responsável liu-liu atu:
- a) Sai nudar ezemplu ba konduta profisionál ba sira nia subordinadus;
 - b) Simu responsabilidade ba atus ne'ebe prátika bainhira hasai orden ka determinasaun;

- c) Ezerse autoridade iha deit âmbito kompetensia ne'ebe lei fó ba nia kargu, funsaun, postu ga antiguidade, ga sira ne'ebe leagalmente delega ba;
- d) Tenki prudente, justu no determinadu kona-ba ejijénsia kumprimentu leis, regulamentus, orden no instrusaun sira, nunka impoin ba nia subordinadus atu halo atus ilegais ga sira ne'ebe la relasiona ho servisu;
- e) Iha sensibilidade no enerjia bainhira atua hasoru kualker dezobediénsia, falta respeitu ga falta sira seluk bainhira hala'o knaar, hodi uza ba fins ida ne'e meius ne'ebe lei fó;
- f) Dezenvolve liuhusi esforsu, hosi inisiativas no instrusaun, qualidade no abilidade tekniku-profisionál subordinadus nian, ne'ebe presiza hodi hala'o funsaun ho efisiénsia;
- g) Zela ba subordinadu sira nia interese estatuáriu no fó koñesimentu liuhusi liña hierárkika, problemas ne'ebe nia iha koñesimentu ho hirak ne'ebe iha ligasaun ho sira;
- h) Rekompensa no fó sansaun disiplinar ba subordinadu sira, tuir termus iha Reglamentu ida ne'e.

3.1.5. Dever Ba Imparsialidade

1. Dever ba imparsialidade katak labele hasai vantajen direta ga indireta, ba nia a'an ga ba ema seluk bainhira hala'o nia funsaun, maibe atua ho independénsia bainhira relasiona ho intrese ga presau ho kualker natureza;

2. Bainhira kumpre dever ba imparcialidade, membru Polisia Nasional Timor-Leste respons'avel ba:
- a) Labele hasai vantajen husi nia pozisaun, funsaun, postu ga antiguidade ga hosi relasaun institusional, no labele lori superior hierárkiku nia naran hodi hetan ba nia rasik ga ba ema seluk, lukru ga vantajen, halo prejuízu, halo influénsia, koasaun ga vingansa, obriga hodi prátika kualker atu ka prosedimentu ofisial ga particular ne'ebe la prevé iha lei;
 - b) Mantein rigorosa imparcialidade polítika;
 - c) Bainhira laiha autorizasaun legal, labele asiste kampaña, manifestasaun, reuniaun pública ho karakter polítiku, partidáriu ga sindikal maske la uza farda;
 - d) Labele hala'o atividade sira ne'ebe tau ita iha situasaun dependensia hodi bele afeta ita nia respeito rasik, isensaun no dignidade fungsional iha comunidade ga instituisaun ne'ebe ita pertense bá;
 - e) Labele hala'o kulker atividade ne'ebe relaciona ho ekipamentu, armament ga reparasaun material ne'ebe destina bá Forsa Armada ka forsa no servisu seguransa nian;
 - f) Labele partisipa ga atua hensan intermediáriu ba ema seluk, iha atus ga negosiu juridiku ne'ebe entidade kontratadu mak servisu husi instituisaun rasik;

- g) Labele buka ga simu favores, valores ka kualker benefisiu ne'ebe bele interfere, direta ga inderetamente, ho ita nia independénsia, objetividade no imparcialidade bainhira hala'o ita nia funsaun;
 - h) Labele fó kualker ajuda ne'ebe bele interfere ho apuramentu ba responsabilidade husi kualker suspeitu iha prátika krimi ga kontra-ordensaun, ka ne'ebe bele tau risku ba detidus sira nia abilidade atu komunika, sei laiha prejuizu ba dispostu iha lei prosesuál penal no lejislasaun ne'ebe bele aplika;
 - i) Labele halo dividas ga komprimisu ne'ebe resulta situausaun dependénsia la kompativel ho liberdade, impasialidade, isensaun no objetividade ne'ebe tenki kaer metin;
 - j) Labele simu kualker homenajen ne'ebe la pertense ba nia, ka ne'ebe laiha autorizasaun hosi entidade competente;
 - k) Labele partisipa, direta ka indiretamente, iha asaun fiskalizausaun polisiál kona-ba atividade sira ne'ebe nia hala'o rasik, husi nia kaben, familia ga koñesidu, maibe tenki assume atitude independénsia kompleta;
3. Ba efeitos hosi dispostu iha alíña 1) iha número anterior, membru PNTL tenki ható proibisaun ida ne'e ba nia superior hierárkiku bainhira simu orden atu halo fiskalizausaun ba atividade sira ne'ebe temi iha neba

3.1.6. Dever Ba Korresaun

1. Dever ba korresaun katak trata ema no membrus PNTL ho respeitu, labele diskrimina tamba nia kor, rasa, estadu sivíl, orientasaun sexual, lingua, orijen étnika, sexu, graduasaun, pozisaun sosiál ga situasaun ekonimika, konvinsaun polítika ka ideolojika, relijiaun, instrusaun ga kondisaun fízika ka mental, hodi konsidera bei-beik katak relasaun interpesoál tenki bazeia bá kortezia, justisa, igualdade no integridade.
2. Bainhira kumpre dever ba korresaun, membru Polisia Nasional Timor-Leste tenki:
 - a) Iha komprensaun ba ema, tenki edukadu no prudente iha situasaun ne'ebe deit, no uza prosedimentu ne'ebe justu no ho konsideraun, linguajen korretu, la iha prejuizu atu hatudu atitude firme no serena;
 - b) Labele ejije ba ema, hahalok ne'ebe kronta lei ga kontra dignidade umana;
 - c) Labele refere ba ema ga ba membru PNTL ho forma ne'ebe hatudu falta respeitu, no mos labele husik subordinadu sira halo;
 - d) Uza edukasaun ba kaben ga ema ne'ebe hela hamutuk hensan kaben, oan, hanesan oan, ga familia, labele halo ofensa fízika ga psikolojika;
 - e) Respeita orgaun soberania no autoridade judisiária, administrativa no militares, no mos eis-titulares orgaun soberania nian ho veteran sira, hodi ható respeitu ne'ebe sira merese;

- f) Bainhira destaka ba estranjeiru, respeita regras komportamentu husi forsa militar ga seguransa hosi Nasaun ne'ebe hala'o hela knaar;
- g) Labele perturba orden no la respeita regras iha hela fatin, iha País laran ka estranjeiru, labele maltrata sidadaun sira, ka ofende sira nia direitu, krensa, kostume ho interese, maske la hala'o hela funsaun, iha hela folga ga goza hela lisensa;
- h) Uza ba membrus Polisia Nasional Timor-Leste sira seluk, diferensa hierárkika no sira ne'ebe uza iha sosiedade sivil;
- i) Zela ba konvivia diak, hodi buka asegura solidariedade no kamaradajen ho membrus Polisia Nasional Timor-Leste ne'ebe hala'o hela funsaun hamutuk, hodi observa regras disiplina no honra;
- j) Labele husu ga simu husi membru Polisia Nasional Timor-Leste, hanesan prezente ga empresta, kualker objetu, valores ga osan ne'ebe nia natureza bele afeta relasaun hierárkika ka konvivia;
- k) labele apodera objetus ga valores ne'ebe la pertense ba nia;
- l) Kumpre obrigasaun sira akordu ona, liu-liu dever aman-inan nian, no pagamentu ba dividas tuir komprimisu ne'ebe halo ona;
- m) Labele autoriza, promove ga hola parte iha manifestasaun, reuniaun ka atu koleтиву sira seluk, no mos labele apresenta petisaun koletiva kona-na Polisia Nasional Timor-Leste, se la prevé iha lei;

3. Ba efitus husi aliña n) iha artigu anterior, ezist'ensia divida só bele konsidera bainhira devedor konfesa katak iha divida ka bainhira iha akordu husi parte rua ga bainhira iha konfirmasaun husi tribunal katak iha divida;

3.1.7. Dever Assiduidade No Pontualidade Membru Polísia Nasional Timor-

Leste tenki:

- a) Apresenta a'an ho pontualidade iha fatin ne'ebe nia hala'o knaar, gaiha fatin ne'ebe designa ba nia, iha loron ho oras ne'ebe define ona, liuhusi orden ga instrusaun husi superior hierárkiku ga liu husi forsa regulamentu nian;
- b) Labele sai husi servisu ga husi fatin ne'ebe tenki permanese tamba servisu, bainhira laiha autorizasaun husi nia superior hierárkiku;
- c) Komunika no mantein atualizadu, iha komandu, unidade ga fatin servisu ne'ebe hala'o hela knaar, dadus kona-ba hela fatin, kontaktu telefoniku ho koreiu eletroniku, no mos kontaktu husi ema ne'ebe bele mantein kontaktu permanente ho nia, disponivel hodi notifika kona-ba kualker atu administrativu ne'ebe relasiona ho nia;

3.1.7.1. Dever Sijilu.

1. Dever sigilokatak obligasaun husi membru Polisia Nasional Timor-Leste atu rai segredu profisionál kona-ba faktus ho matéria ne'ebe nia iha koñesimentu, bainhira hala'o nia funsaun, ga tamba ne'e, no labele publikamente fó sai;

2. Bainhira kumpre dever sigilo, membru Polisia Nasional Timor-Leste tenki:
 - a) Kumpre rigorozamente regras ne'ebe hari ona, labele fó sai asuntu, faktus ga orden sira ne'ebe transmite ba nia, ga sira ne'ebe nia iha koñesimentu, bainhira-deit aktu sira ne'e bele halo prejuizu ba nia servisu ga ba nia disiplina;
 - b) Labele fó sai faktus sira ne'ebe halo parte Estadu nia segredu, ga segredu justisa nian, ga ne'ebe relasiona ho atividade polisiál ba prevensaun no investigasaun krimi no mos kontra-ordensaun, ga sira ne'ebe relasiona ho servisu ho natureza disiplinar;
 - c) Labele fó sai matéria ne'ebe relasiona ho atividade operacional Polisia Nasional Timor-Leste, Forsas Armadas ga forsa no servisu seguransa seluk nian, só-deit bainhira iha autorizasaun husi entidade hierárkika competente, tuir termus lei nian;
 - d) Labele fó sai informasaun iha rejistu base-de-dadusga kualker dokumentu ne'ebe iha asesu tamba motivu servisu.

3.1.7.2. Dever Aprumo

1. Dever aprumo katak assume, maske la hala'o hela funsaun, komportamentu ne'ebe reforsa dignidade ba misaun no atribuisaun ne'ebe komete ba Polisia Nasional Timor-Leste, hanesan mos ba nia prestijiu, imajen no membrus sira ne'ebe integra ba.
2. Bainhira kumpre dever aprumo, membru Polisia Nasional Timor-Leste tenki:

- a) Kuida nia ijiene no apresentasaun pesoál;
- b) Apresenta iha servisu ho uniforme no ekipadu, só deit bainhira iha autorizasaun atu tau faru sivil;
- c) Labele prátika asaun ne'ebe kontra moral públiku no kostume iha fatin nia hela ga servisu bá, tenki komporta iha sirkunstánsia ne'ebe de'it ho konformidade eztrita tuir dignidade ba nia funsaun no postu;
- d) mantein ho kondisaun fízika no inteletual diak, labele consume alkohól ho ezsesu, no labele hemu alkohól molok atu tama servisu ga bainhira hala'o servisu, labele mosh emu aimoruk estupefancientes, psicotrópicos, psicoativas ga droga, só deit bainhira iha preskrisaun médika;
- e) Uza uniforme no ekipamentu tuir kondisaun ne'ebe estabelese iha lei ga regulamentu, bainhira laiha tenki tuir orden ga intrusaun sira ne'ebe ható hosi superior hierárkiku;
- f) Labele uza distintivos, insignias ga kondekorasaun ne'ebe laiha direitu;
- g) Iha formatura mantein atitude firme no korretu;
- h) Labele fuma iha fatin atendimentu ba públiku, iha viatura servisu nian, ga bainhira hala'o hela funsaun iha kualker sidadaun nia oin;
- i) Labele frekuenta ga ba iha fatin sira ne'ebe prátika atividade kriminal, kontra moral públiku, ga kontra kostume diak, só

deit bainhira iha situasaun fiskalيزasaun kriminal ga polisiál ne'ebe determina superiormente;

- j) Labele ransu ga hari relasaun konvivénsia ga hakbesik-an, no labele mos akompãna individu sira ne'ebe suspeita halo hahalok ne'ebe bele hetan punisaun nudar krimi, sei laiha prejuizu ba ejijénsia sira husi funsaun investigasaun kriminal;
- k) Labele partisipa iha kualker jogu, bainhira jogu ne'e lei la permite;
- l) Labele partisipa ho uniforme iha kualker espetákulu públiku, só diet bainhira iha autorizasaun husi superior hierárkiku;
- m) Labele uza kondisaun nudar membru Polisia Nasional Timor-Leste ba fins publisitárius, artistiku ga inteletual, só deit bainhira iha autorizasaun husi Komandante-Jerál Polisia Nasional Timor-Leste nian;
- n) Labele fó sain iha rede sosiál kualker mensajen, imajen, video, ga kontéudu ne'ebe bele afeta nia imajen rasik, ga ema seluk nian, ga afeta instituisaun nia pretijiu;
- o) Labele hala'o atividade, maske gratuitu, ne'ebe bele afeta nia imajen rasik ga afeta instituisaun nia prestijiu.


Bainhira membru ruma ne'ebe viola ninia dever sira ne'e, bele hetan sansaun displinar husi orgaun kompetente Polisia Nasional Timor-Leste nian liu husi processu displinar sira ne'ebe iha

KAPITULU IV

OINSA RESPONSABILIDADE POLISIA KOMUNITARIA BAZEIA

BA DECRETU LEI NUMERO 55/2022

4.1. Geógrafikamente Suku Komoro.



4.2. Komando Polisia Nasional Tmor Leste Atu Hare Kona-Ba

Responsabilidade Polisia Komunitaria Ba comunidade

Tuir dekretu lei N^o. 55/2022, 03 Agostu, lei orgánika Polisia Nasional Timor-Leste artigu 60^o dever kona-ba Departementu Polísiamentu Komunitaria n^o.

- A. Asegura supervizaun ba implementasaun iha modelu transversa iha polísiamentu komunitariu, respeita ba prinsipiu igualdade la bele iha diskriminasaun.
- B. Supervizaun ejekusau ba ordem no instituisaun relativa jestaun no avaliaun ba kualidade no modelu iha polísiamentu komunitariu.
- C. Supervizaun implementasaun ba programa iha dominu ba polísiamentu komunitariu.
- D. Garantia kolaborasaun permanente ho estrutura komunitariu nasional ho lokal.

Funsaun

Funsaun Departementu Polísiamentu komunitária maka atu fo edukasaun no hana'e koñesimentu tantu ba polisia no comunidade nia le'et. Fornese ko'ordenasaun no servisu hamutuk ho seksaun internu PNTL nian, Departementu sira Governu nian, ajénsia internasional sira, ONG sira no Igreja iha RDTL laran hodi garante aproximasaun multilateráida ba prevensaun krime.

4.3. Misaun

Misaun Departementu Polísiamentu Pomunitaria maka hanesan Departementu ida iha Departementu Formasaun Pesoal nia okos.

- A. Halo kolaborasaun ho Departementu Formasaun Pesoal nian defini nesesidade no programa instrusaun ba servisu especialidade Departementu polísiamentu Komunitaria nian.
- B. Elabora estudu pareser ba programa o aktividade ne'ebe Komandu Distrital sira atu dezenvolve hamutuk ho populasaun.
- C. Halo Publisidade kona-ba kna'ar no misaun PNTL nian iha comunidade nia le'et.
- D. Fó apoiu ba Komandu Distrital hodi estabelese relasaun ho estrutura sira iha comunidade nia le'et.
- E. Hato'o tarefa seluk ne'ebe monu iha âmbito misaun nia laran.

4.4. Objétivu

Departementu polísiamentu Komunitáriuiha objetivu atu promove PNTL nia estratéjia sira ba prevensaun krime no protesaun komunitária iha Republika Demokrátika Timor-Leste nia laran. Kna'ar PNTL nian hodi prevene krime no fó seguransa sei hala'o liu husi aprosimasaun parseira ida ho sidadaun Tinmor-Leste tomak.

4.5. Responsabilidade Adisional.

1. Hala'o seguransa no akonpaña Estrutura iha suku, hodi atende ba aktividade/Problema ruma.
2. Pasa informasaun na eskuadra wainhira problema ne'ebe akontese ho nia grau ne'ebe mak a'as.
3. Tama no sai iha uma hodi fahe informasaun ba comunidade sira atu bele minimiza problema iha Suku laran.
4. Hala'o servisu rodaviaria nian.

Membru polisia hala'o nia kna'ar tenki servi no proteje ba sociedade, husi loron ba loron no bele sai inimigu ba comunidade. hateten katak dever profesionalizmu konsiste dedikasaun total ba servisu husi parte membru polisia nasional Timor-Leste no iha koñesimentu ba lei, regulamentu, ordem no instrusaun relativa ba servisu, ho ida ne'e, hanesan komitmentu atu dezemvolve qualidade pessoal, aptidaun ba tekniku profesional no métodu sira ba servisu nesesário ba dezempeñu efisiente no competente ba nia funsaun. Além de ne'e polisia tenki iha obrigatóriu atu proteje seguransa isin no klamar, nesesidade sociedade no meu ambiente kontra alterasaun ordem nian ka dezastre inklui prestasaun assistensia defende Direitu umanu. Tuir mai membru polisia tenki defende Direitu umanu durante hala'o servisu. Ho ida ne'e mosu kazu violensia balu iha comunidade ne'ebe komete husi membru polisia, no jeralmente akontese durante konfrontasaun ka manifestasau ruma. Membru Polisia balu maka atua la tuir prosedimentu no hakanek comunidade. Aksaun agresivu no aktua tuir hakarak polisia nian kontra comunidade frekuentemente rezulta vitima. Bazeia ba lei ne'ebe vigora ona hodi regularize

membrus hotu-hotu ne'ebe halao knar iha iha terenu, atu assegura no proteze, ho ida ne'e maka hakerek nain atu rezume deit katak, aktus brutalismo ne'ebe induvu polisia ida, halo ba sidadaun ida, ne'e krime.

Polisia Nasional Timor Leste, mak hanesan forsa seguransa ida ne'ebé iha Misaun atu defende legalidade demokrátiku, garante seguransa sidadaun no bens nian no proteje direitu sidadaun nian tuir termu ne'ebé estabese iha Konstituisaun no iha Lei sira. Tuir estratéjia no filozofia polisiamentu nian Polisia Nasional Timor-Lesteiha karakteristika polisia komunitária, maske nia organizasaun, disiplina, instrusaun no estatutu pesoál nian sei tuir natureza militar, Polisia Nasional Timor-Leste sei la konstitui forsa natureza militar ida. Polisia Nasional Timor-Leste Independente no hala'o nia kna'ar eskluзивu ba Estadu. Polisia Nasional Timor-Leste iha nia personalidade legal rasik no subordinadu diretu ba Ministériu Defeza no Seguransa, no nia organizasaun ida de'it ba territóriu tomak. Polisia Nasional Timor-Leste organiza tuir ierarkia iha nivel hotu-hotu estrutura nian, no nia membru sira obedese ierarkia komandu nian.

4.6. Direitu Polisia Komunitária bazeia ba dekreto Lei Nu. 55/2022.

- A. Direitu atu hetan salariu.
- B. Direitu atu hetan osan alimentasaun.
- C. Direitu atu hetan suplementu sira seluk.
- D. Direitu atu hetan fasilidade ba transporte.
- E. Direitu atu hetan ekipamentusira seluk hodi bele halo dezevolvimentu iha area komunitariu nian.
- F. Direitu atu hetan Edifisiu ne'ebe mak favoravel.

G. Direitu atu asesu ba formasaun ne'ebe suficiente hodi bele halo dezevolvimentu iha area komunitáriu nian.

4.7. Dever Polísia Komunitária bazeia ba dekreto Lei Nu. 55/2022.

Dever Departementu polísiamentu Komunitáriu atu promove PNTL nia estratéjia sira ba prevensaun krime no protesaun komunitária iha Republika Demokrátika Timor-Leste nia laran. Kna'ar PNTL nian hodi prevene krime no fó seguransa sei hala'o liu husi aprosimasaun parseira ida ho sidadaun Timor-Leste tomak. Hala'o seguransa no akonpaña Estrutura iha suku, hodi atende ba aktividade/Problema ruma.

Tama no sai iha uma hodi fahe informasaun ba comunidade sira atu bele minimiza problema iha Suku laran no garantia estabilidade iha sosiedade nia le'et.

VII. Finalidade

5.1. Konkluzoan

Atividade estudo pratika ka peskiza, hanesan dalan ou meú ida ne'ebe maka efektivu tebes ba estudante sira, atu remata estudo iha nivel Universitariu. Husi pratika servisu bele hasae konhesimentu estudante hodi bele kompete iha mundu globalzasaun. Estudo pratika iha base ne'e mós sai hanesan esperiensiá ida ba estudante ne'ebe maka durante ne'e halao peskiza iha Universidade da paz (UNPAZ) relaciona ho título ne'ebe mak mensiona ona iha leten, ajuda tebes estudante sira hodi bele hatene ona prosesu balun kona-ba lalaok iha Servisu polisia nasional Timor-Leste (PNTL) nian, liliu iha Departementu Polísia Nasional Timor-Leste, ne'ebe ajuda tebes estudante sira iha area refere no sai hanesan bukáe ida ba estudante hodi aplika iha futuru.

Papél Polísia Komunitária .

- A. Atu asegura supervizaun ba implementasaun iha modelu transversa iha polísiamentu komunitariu, respeita ba prinsipiu igualdade la bele iha diskriminasaun.
- B. Supervizaun ejekusau ba ordem no instituisaun relativa jestaun no avaliaun ba qualidade no modelu iha polísiamentu komunitariu.

5.2. Rekomendasaun

- 1) Atu rekomenda ba Ministeriu Interior katak karik possibilidade bele aumenta tanmembru Polísiamentu Komunitaria/Ofisial Ofisial Polísia Suku (OPS)atu nune'e bele servisu hamutuk hodi kontribuisaun, atu bele garantia dezembolvimentu iha rai doben Timor-Leste.

2) Atu rekomendaba instituisaun Polisia Nasional Timor-Leste atu bele servisu foku liu ba responsabilidade ne'ebe mak iha suku idak-idak nian. I nomós apoiu maximu nesesidade membru Ofisial Polisia Suku hanesan ekipamentu, transporte no edifisiu membru Polísiamentu Komunitaria/Ofisial Ofisial Polisia Suku (OPS) atu bele hakbesik liu tan ba komunidadade. Hodinune'e bele servisu hamutuk hodi kontribuisaun, atu bele garantia dezembolvimentu iha rai doben Timor-Leste.

VIII. Bibliografia.

I. LIVROS.

Antonius Atosokhi Gea, dkk.(2003). *Relaksi dengan sesama*. Jakarta:Alex Media Komputindo.

Beni Ahmad Saebani. *Pengantar Antropologi*((Bandung:CV Pustaka Setia, 2012)

Djaman Satori 2007.*Profesi Keguruan*. Jakarta; Universitas terbuka.

Kelana, Momo 1994.*Kukum Kepolisian*. Jakarta;Grasindo.

Kontjaraningrat.*Pengantar ilmu Antropologi*(Jakarta: Rineka Cipta,2013).

Lupy Dwi Septa Satria, 2014 *Pemimpin Pelopor Sebagai Faktor Penggerak Partisipasi Masyarakat dalam Program Bank Sampah di Rw. 14 Kelurahan Tamansari Kecamatan Bandung Wetan Kota Bandung Universitas Pendidikan Indonesia[repository. Upi.edu] Perpustakaan. Upi.edu.*

Ma'ruf Abdullah,*Manajemen Bisnis Syariah* (Yogyakarta: Aswaja Pressindo,2014).

Nining Haslinda Zainal ,*Analisis Tugas Pokok dan Fungsi dengan Kompetensi pada Sekretariat Pemerintah Kota Makasar.*

Nazar Bakry, *Tuntutan Praktis Metodologi Penelitian*,(Jakarta Pusat: Pedoman Ilmu. Jaya.1995).

Peter Mahmud Marzuki,*Penelitian Hukum*, Jakarta :Kencana Prenada Media Group.

Ratna Nurul Afiah, 1986, *Praperadilan dan Ruang Lingkupnya*, Jakarta: Akademika Pressindo.

Sajibto Rahardjo, 2009 *Penegakan hukum suatu tinjawan Sosiologis*, Yogyakarta: Genta Publishing.

Soemardjan, Selo & Soelaeman, S. (1964). *Setangkai Bunga Sosiologi*. Jakarta: Lembaga FE-UI.

Wibowo. *Managemen Kinerja. Edisi ketiga*. Jakarta P.T Rara Grafindo Prasada

Warsito Hadi Utomo, *Hukum Kepolisian di Indonesia*, Prestasi Pustaka, Jakarta, 2005.

II. LEIS NO REGULAMENTU.

1. Konstituisaun Republika Demokratika Timor-Leste
2. Decretu Lei No⁰. 55 Tinan 2022, Lei Orgánica da PNTL.

III. INTERNET.

1. *Tugas Kepolisian Republik Indonesia dan Fungsinya*. Dalam [http:// www.Seputarpengetahuan.com](http://www.Seputarpengetahuan.com), diakses pada 25 Juni 2017.